

## Тосхачирт дөнъ кергтә

Элст балгьсна 2-ч номертә тосхачирт управленә чолучирин бригад (бригадиринь үр М. С. Шаранов) тоох кедг заводин ирдг амти бәәх хойр давхр чолун гер тосхаджана.

Эн чолучирин бригад герин эрсиг чолучирин чилгчәр тәвдж дуусхар шунж йовна. Келхд, чолучир үр Цаган Бараев, Геннадий Осадченко, Василий Болданов боли нань чиги чолучир өдрә кемджәгъән 160 процент сүргдж күцәнә.

Амти бәәх хойр давхр чолун гериг болзгаснь урд тосхадж дуусх седклтә. Болв, зәрм өдрмүдт раствор авч ирлго бәәсн учрар, чолучир кәдлмш келго, хара сууцхана. Растворн цех (начальникнь үр Д. К. Бадминов) тосхачирт кәдлмшт цаглань раствор белд-

лго бәәсн учрар тосхачирт кәдлмш йир хашнъгар кегддж йовна.

Растворн цехд кәдлджәх кәдлмшчир тосхачирт кәдлмш уралан йовхин кергт, таслвр уга растворар теткх кергтә. Дакад тер белдсн растворан эзн кевәр хадгьлдж, тосхачирт объектсәр йовулхла — сән болх.

Тегәд Элст балгьсна тосхачирт Хальмг трест боли 2-ч номертә тосхачирт управленә гардачир раствор кедж гаргьлгьна кәдлмшиг ясерудж, тосхачирт, икәр раствор кедж гаргьлгьна кәдлмшт темдгтә дөнъ-нөкд болх зөвтә. Тиигхлә тосхачирт кәдлджәх кәдлмшчир шунмгъа кевәр кәдлдж, амти бәәх гермүд тьргәр тосхадж олзлгьнд өгх аргь бәәнә.

**А. БАКАЕВ.**